

吳明治驗錄

如皋顧曉瀾著
卷一

西	13
	3
	共 4 冊



光緒十二年春鑄

吳門治馬齋金錄

揚州文富堂藏板



中医药大学图书馆版权所有

吳門治驗錄序

曉瀾學博先生。余內弟也。為同筆硯。
時輒見其讀書少暇。即好旁覽技
藝。諸集。而與岐黃家言。尤為篤嗜。甫
弱冠。蜚聲黌序。未三十。遂入貢成均。
素負大志。固未遑以醫事自命也。迨

南北奔馳。鎖闥困頓。年四十。卒以明
經秉鐸而歸。遂乃絕意功名。并心著
學。凡靈素。越人以下諸書。無不精心
熟玩。得其深意。每遇宿學名師。不
惜虛懷。就正。求其脈理之精微。十餘
年中。孜孜不倦。每遇一證。必刻意



精思寢食俱廢。方定卒起。沈疴。醫
名頗噪。然皆余得自傳聞者也。往余
視學皖江。有書吏金氏子瘡後癰。瘻
兩載未痊。奄々待斃。聞曉瀾至。懇求
療治。數人舁至公廨。曉瀾往視之。深
思良久。謂余曰。此疔猶可起也。余問

用何藥。則笑而不言。隨命劑飲之。三
日果杖而能起。調理半月。竟得精力
如初。一時咸以為神明。而求治者益及
曉。灑遂拂袖去。閱數載。聞其偶遊吳
門。亦以醫事為吳人攀留。竟樂此不
疲。十數年來。活人無算。余雖未能盡

為目擊。然以金氏子例推之。不可謂
信而有激者矣。今門弟子錄其方
案成集。欲請付梓。而問序於余。素
不知醫。而傳聞之。與目覩實效之。與

空言。則未嘗不能辨也。昔范文正未
發時。有不為良相。即作良醫之願。曉

瀾之居心。非即欲補前賢所未及者。
耶。至其考核之博。論症之精。用藥之
活。吳中人自能嘖嘖。不忘。更毋庸余之
多贅矣。是為序。

道光辛巳冬。小兒戴聖持撰。



治世在良法治病求良方此良醫之
功所以侔於良相也軒岐靈樞素問
兩大經其中辨論陰陽五行藏府脉
色與夫病之標本輕重無不悉備漢
淳于意為國工詔問其生平為醫經
驗諸證及所受良方意條列以上古

聖賢仁壽生民之心。後先合轍。惜乎

究心者之鮮也。語曰。學醫人費。所為

歎也。如臯。顧曉。瀾。廣文。為北墅侍御

令子。學博而品純。深究乎天人性命

之故。傍及諸子百家。罔不探其本而

晰其微。溫溫無所試。年四十以明經



秉鐸晚而息轍乎吳趨雅不欲以醫
名而戶外乞刀圭者踵相接也其於
病也殆秦越人之洞見垣一方也生
平經驗諸方門弟子筆而錄之凡病
之本與其變用藥之次第製方之精
微及與門弟子之辨論具著於篇余

嘗讀史至華元化傳。惜其一卷書之
不傳。以為後之人病可起而不得受
其賜者。不知凡幾。於曉瀾是刻。歎其
嘉惠來學。無既極也。雖然。方之經驗
可憑。病之百出。無定書之所及。有限
心之所逮。無窮。吾願曉瀾屢刻不一




刻以廣惠醫林。且望讀是編者。心知其意。神而明之。變而通之。將所謂小用則小效。大用則大效。無所不用則無所不效者。其有功於世。豈有涯哉。

道光癸未夏日三松居士潘奕雋書



之淺且恐吾吳人神君之術而
不知其所以神也目於其異門
治驗錄成書此以為之叙道光
三年癸未夏六月年愚布宋鎔撰



吳門治驗錄卷一

目錄

王 通和坊 便血

徐 醋庫巷 吐血

袁 儀亭 骨蒸勞嗽

蔡 大日輝 橋 鬱健忘呆鈍

朱 西滙 腸紅氣梗

沈 洞庭會 館 四肢麻痺

戴 通源典 頭痛

王 通和坊 半產

蔣 獅子口 痰迷心竅

夏 鹽城 肝氣

黃 洞庭會 館 氣逆昏厥

岳 無錫 肝鬱

朱 乍浦 風痰顛厥

汪 新陽 咳噎



戴 蔣橋典

格陽症

謝 水潑粉

喘腫

李 木作

春温

王 通和坊

春温

蔡 石門

五更洩瀉

畢 盛家浜

陰虧陽越

徐 西山

洩瀉腸紅

朱 陳墓

三陰瘧



吳門治驗錄卷一

徐玉書作梅氏

門人黃鶴雲客氏

如皋顧金壽曉淵甫著

沈燾可舟氏

全較

男 慶鴻吉人氏

王硯香

通和坊年五十三歲

脉寸關俱弱兩尺按之沉數便血之症延至八年攻補
溫涼無藥不試漸至面浮肢腫惡食艱步神倦嬾言氣
息奄奄勢頗危殆此肺胃之氣下陷於陰不能升舉經
所謂陰虛而陽湊之也仿東垣先生升陽法

